



## ქალაქ ბათუმის მუნიციპალიტეტის მერი

ქ. ბათუმი

30/06/2015

### ბ რ ძ ა ნ ე ბ ა N 478

#### არასამეწარმეო (არაკომერციული) იურიდიული პირის - „ბათუმის სპორტულ-ახალგაზრდული ცენტრი“-ს წესდების დამტკიცების შესახებ

საქართველოს ორგანული კანონის „ადგილობრივი თვითმმართველობის კოდექსის“, „მეწარმეთა შესახებ“ საქართველოს კანონის და ქალაქ ბათუმის მუნიციპალიტეტის საკრებულოს 2014 წლის 29 აგვისტოს №19 დადგენილებით დამტკიცებული „ქალაქ ბათუმის მუნიციპალიტეტის მერიის დებულების“ მე-3 მუხლის მე-3 პუნქტის „ე.მ“ ქვეპუნქტის შესაბამისად,

#### ვ ბ რ ძ ა ნ ე ბ ა :

1. დამტკიცდეს არასამეწარმეო (არაკომერციული) იურიდიული პირის - „ბათუმის სპორტულ-ახალგაზრდული ცენტრი“-ს (ს/კ №245602110) თანდართული წესდება.
2. ძალადაკარგულად გამოცხადდეს თვითმმართველი ქალაქის - ბათუმის საკრებულოს 2014 წლის 31 იანვრის №18 განკარგულებით დამტკიცებული არასამეწარმეო (არაკომერციული) იურიდიული პირის - „ბათუმის სპორტულ-ახალგაზრდული ცენტრი“-ს წესდება.
3. წინამდებარე ბრძანება სამეწარმეო და არასამეწარმეო იურიდიულ პირთა რეესტრში რეგისტრირებულ მონაცემებში შესაბამისი ცვლილებების რეგისტრაციის განხორციელების მიზნით წარედგინოს საჯარო რეესტრის ეროვნული სააგენტოს ბათუმის სარეგისტრაციო სამსახურს.
4. მიენიჭოს უფლებამოსილება არასამეწარმეო (არაკომერციული) იურიდიული პირის - „ბათუმის სპორტულ-ახალგაზრდული ცენტრი“-ს დირექტორს ირაკლი ბერიძეს (პირადი ნომერი 61002015401) იმოქმედოს ქ. ბათუმის მუნიციპალიტეტის მერის სახელით და საჯარო რეესტრის ეროვნული სააგენტოს ბათუმის

სარეგისტრაციო სამსახურში წარადგინოს წინამდებარე ბრძანება და მოითხოვოს სამეწარმეო და არასამეწარმეო იურიდიულ პირთა რეესტრში რეგისტრირებულ მონაცემებში შესაბამისი ცვლილებების რეგისტრაციის განხორციელება.

5. წინამდებარე ბრძანება შეიძლება გასაჩივრდეს ბათუმის საქალაქო სასამართლოში (მის. ქ. ბათუმი, ზუბალაშვილის ქ. №30) მისი კანონმდებლობით დადგენილი წესით გაცნობიდან ერთი თვის ვადაში.

6. ბრძანება ძალაშია ხელმოწერის დღიდან.

გიორგი ერმაკოვი



ქ. ბათუმის მუნიციპალიტეტის მერი



არასამეწარმეო (არაკომერციული) იურიდიული პირის –  
„ბათუმის სპორტულ-ახალგაზრდული ცენტრი“-ს

## წ ე ს დ ე ბ ა

### თავი I. ზოგადი დებულებანი

#### მუხლი 1. სახელწოდება და იურიდიული მისამართი

1. არასამეწარმეო (არაკომერციული) იურიდიული პირი – „ბათუმის სპორტულ-ახალგაზრდული ცენტრი“ არის საქართველოს ორგანული კანონის „ადგილობრივი თვითმმართველობის კოდექსი“-სა და საქართველოს სამოქალაქო კოდექსის საფუძველზე, ქალაქ ბათუმის მუნიციპალიტეტის მიერ შექმნილი არასამეწარმეო (არაკომერციული) იურიდიული პირი, რომელიც ქალაქ ბათუმის მუნიციპალიტეტის კონტროლით დამოუკიდებლად ეწევა კულტურულ, საგანმანათლებლო საქმიანობას.

2. არასამეწარმეო (არაკომერციული) იურიდიული პირის სახელწოდებაა: არასამეწარმეო (არაკომერციული) იურიდიული პირი – „ბათუმის სპორტულ-ახალგაზრდული ცენტრი“ (შემდგომ ტექსტში – ცენტრი).

3. ცენტრის იურიდიული მისამართია: საქართველო, ქალაქი ბათუმი, ლადო ასათიანის ქ. №27.

4. ცენტრის ელექტრონული მისამართია: [Batumisport.youth@gmail.com](mailto:Batumisport.youth@gmail.com)

#### მუხლი 2. ცენტრის სტატუსი

1. ცენტრი არის წევრთა მდგომარეობისაგან დამოუკიდებელი იურიდიული პირი და მისი მიზანი არ არის სამეწარმეო საქმიანობის განხორციელება.

2. ცენტრის უფლებაუნარიანობა წარმოიშობა მისი რეგისტრაციის მომენტიდან და წყდება ლიკვიდაციის დასრულების რეგისტრაციის მომენტიდან.

3. ცენტრი შექმნილია განუსაზღვრელი ვადით.

4. დასახული მიზნებისა და დაკისრებული ფუნქციების განსახორციელებლად ცენტრს აქვს სამეწარმეო საქმიანობის უფლება.

5. ცენტრი კანონმდებლობით და ამ წესდებით განსაზღვრული მიზნებისა და დაკისრებული ფუნქციების განსახორციელებლად საკუთარი სახელით იძენს ქონებრივ და პირად არაქონებრივ უფლებებს, კისრულობს მოვალეობებს, დებს გარიგებებს, საკუთარი სახელით გამოდის მოსარჩლედ და მოპასუხედ სასამართლოში და არბიტრაჟში, აგრეთვე მესამე პირთან ურთიერთობაში.

6. ცენტრს აქვს დამოუკიდებელი ბალანსი, ხარჯთაღრიცხვა, საბანკო და სახაზინო ანგარიშები, ბეჭედი, შტამპი, ბლანკი და იურიდიული პირის სხვა რეკვიზიტები.

7. კანონმდებლობითა და ამ წესდებით დადგენილ ფარგლებში ცენტრი ანგარიშვალდებული და პასუხისმგებელია ქალაქ ბათუმის მუნიციპალიტეტის მერის წინაშე, რომელიც ახორციელებს დამფუძნებლის უფლებამოსილებებს.



## თავი II. საქმიანობის საგანი

### მუხლი 3. ცენტრის ძირითადი მიზანი და ფუნქციები

ცენტრის ძირითადი მიზანი და ფუნქციაა ფიგურული სრიალის, ჰოკეის, ხელბურთის, ფუტსალის, ფრენბურთის და სხვა გუნდური სპორტის სახეობების პოპულარიზაცია, სპორტის პროფესიონალური, სამოყვარულო და მასობრივი კატეგორიების განვითარება და მათი მსოფლიო ასპარეზზე გასასვლელად ხელშეწყობა, მომავალი ჯანმრთელი თაობის აღზრდისათვის ხელშეწყობა, სხვადასხვა სპორტულ-ახალგაზრდული და გასართობი ღონისძიებების მოწყობა, ასევე დამხმარე სამეწარმეო საქმიანობის განხორციელება.

### მუხლი 4. ცენტრის უფლებები და ვალდებულებები

1. ცენტრს დაკისრებული ვალდებულებებისა და ამოცანების განსახორციელებლად უფლება აქვს:

ა) აწარმოოს მოლაპარაკებანი და დადოს გარიგებები, აგრეთვე, განახორციელოს სხვა იურიდიული ქმედებები, როგორც სახელმწიფო, ასევე კერძო ორგანიზაციებთან; მათ შორის დაამყაროს ურთიერთობები სხვა ქვეყნების იურიდიულ, თუ ფიზიკურ პირებთან;

ბ) საქართველოს კანონმდებლობით დადგენილი წესით განახორციელოს დამხმარე სახის სამეწარმეო საქმიანობა; ამ საქმიანობიდან მიღებული შემოსავალი მოახმაროს მხოლოდ დაწესებულების მატერიალურ-ტექნიკური ბაზის განმტკიცებას, მუშაკთა სოციალურ დაცვას, შრომის ეკონომიკურ სტიმულირებას, აგრეთვე დაწესებულების წესდებით გათვალისწინებულ სხვა მიზნებისა და ამოცანების განხორციელებას;

გ) დაამყაროს შრომით-სამართლებრივი ურთიერთობები ქალაქ ბათუმის მუნიციპალიტეტის მერის მიერ განსაზღვრული საშტატო განრიგის შესაბამისად;

დ) შრომით-სამართლებრივ ურთიერთობაში მყოფი პირების თანამდებობრივი სარგო განსაზღვროს ქალაქ ბათუმის მუნიციპალიტეტის მერის მიერ დამტკიცებული სარგოს ოდენობის შესაბამისად;

ე) განსაზღვროს დაწესებულების ხარჯთაღრიცხვა ქალაქ ბათუმის მუნიციპალიტეტის მერთან შეთანხმებით;

2. ცენტრი ვალდებულია:

ა) წარმართოს თავისი საქმიანობა საქართველოს საკანონმდებლო და კანონქვემდებარე სამართლებრივი აქტებისა და ამ წესდების შესაბამისად;

ბ) წარმართოს შრომითი (მათ შორის სახელშეკრულებო) ურთიერთობანი საქართველოს კანონმდებლობით დადგენილი წესით;

გ) შეასრულოს მოქმედი კანონმდებლობიდან და დადებული ხელშეკრულებებიდან გამომდინარე ვალდებულებები.

## თავი III. ცენტრის მართვა და კომპეტენცია

### მუხლი 5. ცენტრის მართვა

1. ცენტრის მართვა ხორციელდება საქართველოს კანონმდებლობით და ამ წესდების შესაბამისად.

2. ცენტრს ერთპიროვნულად მართავს დირექტორი, რომელსაც გააჩნია დაწესებულების წარმომადგენლობითი უფლებამოსილება. იგი დამოუკიდებლად მოქმედებს და წარმართავს ცენტრის საქმიანობას.



3. ცენტრის დირექტორს საქართველოს სამოქალაქო კოდექსის შესაბამისად თანამდებობაზე ნიშნავს და თანამდებობიდან ათავისუფლებს ქალაქ ბათუმის მუნიციპალიტეტის მერი.

4. ცენტრის საქმიანობაზე კოორდინაციას ახორციელებს ქ. ბათუმის მუნიციპალიტეტის მერის ადმინისტრაციის სპორტისა და ახალგაზრდობის განყოფილება.

#### მუხლი 6. ცენტრის დირექტორის უფლებამოსილება

##### 1. დირექტორი:

ა) საქართველოს კანონმდებლობითა და ამ წესდებით დადგენილი უფლებამოსილების ფარგლებში დამოუკიდებლად ხელმძღვანელობს დაწესებულების საქმიანობას, მოქმედებს დაწესებულების სახელით და სპეციალური მინდობილობის გარეშე წარმოადგენს მას მესამე პირთან ურთიერთობაში;

ბ) იურიდიული პირის საქმიანობიდან გამომდინარე საკითხებზე გადაწყვეტილებას ღებულობს ერთპიროვნულად, გარდა იმ საკითხებისა, რომელიც საჭიროებს დამფუძნებელთან შეთანხმებას;

გ) პასუხისმგებელია ამ წესდებისა და დაწესებულების საქმიანობის მომწესრიგებელი სამართლებრივი აქტების შესრულებაზე;

დ) პასუხისმგებელია დაწესებულების საქმიანობის სწორად წარმართვაზე, დაწესებულების ქონების, მათ შორის, ფულადი სახსრების მიზნობრივ ხარჯვასა და გამოყენებაზე;

ე) თავისი უფლებამოსილების განხორციელებისას გამოსცემს ბრძანებებს, რომელთა შესრულება სავალდებულოა დაწესებულების ყველა თანამშრომლისათვის, ხელს აწერს დაწესებულების საქმიანობასთან დაკავშირებულ ფინანსურ და სხვა დოკუმენტებს;

ვ) უფლებამოსილია დასახული მიზნების მისაღწევად დაამყაროს შრომით-სამართლებრივი ურთიერთობები ქალაქ ბათუმის მუნიციპალიტეტის მერის მიერ განსაზღვრული საშტატო განრიგის შესაბამისად;

ზ) უფლებამოსილია შრომით-სამართლებრივ ურთიერთობაში მყოფი პირების თანამდებობრივი სარგოები განსაზღვროს ქალაქ ბათუმის მუნიციპალიტეტის მერის მიერ დამტკიცებული თანამდებობრივი სარგოს ოდენობის შესაბამისად;

თ) საქართველოს შრომის კოდექსის შესაბამისად, თანამდებობაზე ნიშნავს (დებს ხელშეკრულებებს) და თანამდებობიდან ათავისუფლებს დაწესებულების თანამშრომლებს;

ი) ანაწილებს ფუნქციებს დაწესებულების თანამშრომლებს შორის (რაზედაც გამოსცემს ბრძანებას), აძლევს მათ სათანადო მითითებებსა და დავალებებს, კანონმდებლობის შესაბამისად ახორციელებს დაწესებულების ზედამხედველობას თანამშრომლების საქმიანობაზე, მართავს თათბირებს, პერიოდულად ისმენს ანგარიშს თანამშრომელთა საქმიანობის შედეგების თაობაზე, დაწესებულების სახელით სამოქმედოდ გასცემს მინდობილობას დაწესებულების თანამშრომლებსა და სხვა პირებზე.

კ) კანონმდებლობით დადგენილი წესით უფლებამოსილია დაწესებულების თანამშრომლების მიმართ გამოიყენოს წახალისებისა და დისციპლინარული პასუხისმგებლობის ზომები;

ლ) უფლებამოსილია დაწესებულების სახელით გახსნას და დახუროს საბანკო ანგარიშები, დადოს შრომითი და სხვა ხელშეკრულებები (შეთანხმებები) ფიზიკურ და იურიდიულ პირებთან, მოქმედი კანონმდებლობის შესაბამისად;

მ) ქალაქ ბათუმის მუნიციპალიტეტის მერთან ათანხმებს დაწესებულების ხარჯთაღრიცხვას;

ნ) ადგენს და ქალაქ ბათუმის მუნიციპალიტეტის მერს დასამტკიცებლად წარუდგენს დაწესებულების ბალანსს;

ო) ამტკიცებს დაწესებულების თანამშრომელთა შვებულებაში გასვლის განრიგს;



პ) ატარებს სათანადო ღონისძიებებს დაწესებულების მატერიალურ-ტექნიკური ბაზის სრულყოფის, თანამშრომელთათვის აუცილებელი პირობების შექმნის მიზნით;

ჟ) უფლებამოსილია არასაბიუჯეტო შემოსავლების არსებობის შემთხვევაში ქალაქ ბათუმის მუნიციპალიტეტის მერთან შეთანხმებით გამოიყენოს სახსრები სახელფასო დანამატებზე, პრემიებზე და ჯილდოებზე;

რ) ქალაქ ბათუმის მუნიციპალიტეტის მერს არანაკლებ წელიწადში ერთხელ წარუდგენს დაწესებულების ანგარიშს გაწეული საქმიანობის შესახებ;

ს) ანგარიშვალდებულია ქალაქ ბათუმის მუნიციპალიტეტის მერის წინაშე;

ტ) ქალაქ ბათუმის მუნიციპალიტეტის მერს წარუდგენს დაწესებულების წესდებაში შესატანი ცვლილებებისა და დამატებების შესახებ პროექტს, წინადადებებს დაწესებულების საქმიანობის სრულყოფის ღონისძიებათა შესახებ;

უ) ახორციელებს კანონმდებლობით, ამ წესდებით და მათ შესაბამისად მინიჭებულ სხვა უფლებამოსილებებს.

2. დაწესებულების საქმიანობასთან დაკავშირებული მნიშვნელოვანი საკითხების გადასაწყვეტად, სათანადო წინადადებებისა და რეკომენდაციების მომზადების მიზნით, დირექტორი უფლებამოსილია შექმნას სათათბირო ჯგუფები, კომისიები და უხელმძღვანელოს მას.

#### თავი IV. სტრუქტურა

##### მუხლი 7. ცენტრის სტრუქტურა

1. ცენტრის სტრუქტურა და სტრუქტურაში შემავალი თანამშრომლების რაოდენობა და თანამდებობრივი სარგოს ოდენობა განისაზღვრება ქალაქ ბათუმის მუნიციპალიტეტის მერის მიერ დამტკიცებული საშტატო განრიგის შესაბამისად.

2. ცენტრის თანამშრომელთა უფლებამოსილებები (თანამდებობრივი ინსტრუქციები) ცენტრის ფუნქციებიდან გამომდინარე განისაზღვრება დირექტორის სამართლებრივი აქტით - ბრძანებით.

#### თავი V. ქონება

##### მუხლი 8. ცენტრის ქონება

1. დასახული მიზნებისა და დაკისრებული ფუნქციების განსახორციელებლად ცენტრს აქვს საჭირო განცალკევებული ქონება, რომელიც გადაეცემა საქართველოს კანონმდებლობით დადგენილი წესით.

2. ცენტრის ქონებას შეიძლება შეადგენდეს აგრეთვე დაწესებულების ფუნქციონირების განმავლობაში მისი ფინანსური სახსრებით შეძენილი ან/და შექმნილი ქონება.

3. ცენტრის ქონებასთან დაკავშირებული სხვა საკითხები განისაზღვრება საქართველოს მოქმედი კანონმდებლობით დადგენილი წესით.

##### მუხლი 9. საქმიანობა, რომელიც საჭიროებს თანხმობას

ცენტრს შეუძლია მხოლოდ დამფუძნებლის თანხმობით განახორციელოს შემდეგი ქმედებები:

ა) უძრავი ქონების შეძენა;

ბ) გადაცემული ქონების გასხვისება;

გ) გადაცემული ქონების იჯარით გაცემა;

დ) სესხის აღება;



- ე) თავდებობა;
- ვ) სხვა გადაწყვეტილებები ცენტრის ქონებასთან დაკავშირებით, რომლებიც სცილდება ჩვეულებრივი საქმიანობის ფარგლებს.

## თავი VI. ფინანსები

### მუხლი 10. ცენტრის ფინანსები

1. ცენტრის დაფინანსების წყარო შეიძლება იყოს:
  - ა) ქალაქ ბათუმის მუნიციპალიტეტის ბიუჯეტიდან გამოყოფილი მიზნობრივი სახსრები;
  - ბ) ადგილობრივი და საერთაშორისო ორგანიზაციების მიერ გამოყოფილი შემოწირულობები, გრანტები;
  - გ) შემოსავლები, რომლებიც მიიღება ცენტრის მიერ სხვა იურიდიული, თუ ფიზიკური პირებისათვის გაწეული მომსახურების შედეგად;
  - დ) დამხმარე სამეწარმეო საქმიანობიდან მიღებული შემოსავლები;
  - ე) საქართველოს კანონმდებლობით ნებადართული სხვა შემოსავლები.
2. ცენტრის ნებისმიერი შემოსავალი უნდა მოხმარდეს მხოლოდ დაწესებულების მიზნებისა და ამოცანების განხორციელებას. დაწესებულების სახსრების სხვაგვარად გამოყენება დაუშვებელია.

## თავი VII. საქმიანობის კონტროლი

### მუხლი 11. ცენტრის საქმიანობის კონტროლი

1. ცენტრის საქმიანობის საერთო კონტროლს ახორციელებს ქალაქ ბათუმის მუნიციპალიტეტის მერი.
2. ცენტრის საქმიანობის კონტროლი მოიცავს დაწესებულების მიერ განხორციელებული საქმიანობის კანონიერების, მიზანშეწონილობის, ეფექტიანობისა და საფინანსო-ეკონომიკური საქმიანობის ზედამხედველობას.
3. ცენტრის საქმიანობის შესამოწმებლად, საჭიროების შემთხვევაში, ქალაქ ბათუმის მუნიციპალიტეტის მერი ნიშნავს აუდიტორს.
4. ცენტრის საქმიანობის კონტროლთან დაკავშირებული სხვა საკითხები განისაზღვრება მოქმედი კანონმდებლობით დადგენილი წესით.

## თავი VIII. რეორგანიზაცია და ლიკვიდაცია

### მუხლი 12. ცენტრის რეორგანიზაცია და ლიკვიდაცია

1. ცენტრის რეორგანიზაციის შესახებ გადაწყვეტილებას ღებულობს ქალაქ ბათუმის მუნიციპალიტეტის ორგანოები საქართველოს კანონმდებლობით დადგენილი წესით.
2. ცენტრის ლიკვიდაცია ხორციელდება მოქმედი კანონმდებლობის შესაბამისად.



## ქალაქ ბათუმის მუნიციპალიტეტის მერი

ქ. ბათუმი

03/09/2015

### ბ რ ძ ა ნ ე ბ ა N 662

არასამეწარმეო (არაკომერციული) იურიდიული პირის -  
„ბათუმის სპორტულ-ახალგაზრდული ცენტრი“-ს წესდებაში  
ცვლილების შეტანის თაობაზე

საქართველოს ორგანული კანონის „ადგილობრივი თვითმმართველობის კოდექსის“  
106<sup>1</sup> მუხლის, „საქართველოს სამოქალაქო კოდექსის“, „მეწარმეთა შესახებ“ საქართველოს  
კანონის, ქალაქ ბათუმის მუნიციპალიტეტის საკრებულოს 2014 წლის 29 აგვისტოს №19  
დადგენილებით დამტკიცებული „ქალაქ ბათუმის მუნიციპალიტეტის მერიის დებულე-  
ბის“ მე-3 მუხლის მე-3 პუნქტის „ე.მ“ ქვეპუნქტის შესაბამისად,

#### ვ ბ რ ძ ა ნ ე ბ ა :

1. არასამეწარმეო (არაკომერციული) იურიდიული პირის - „ბათუმის სპორტულ-  
ახალგაზრდული ცენტრი“-ს (ს/კ №245602110) წესდებაში (დამტკიცებული ქალაქ ბათუმის  
მუნიციპალიტეტის მერის 2015 წლის 30 ივნისის №478 ბრძანებით) შეტანილი იქნას ცვლი-  
ლება და წესდების მე-6 მუხლის პირველ პუნქტს დაემატოს შემდეგი შინაარსის „ნ<sup>1</sup>“  
ქვეპუნქტი:

„ნ<sup>1</sup>) ქალაქ ბათუმის მუნიციპალიტეტის მერთან შეთანხმებით ამტკიცებს ცენტრის ბა-  
ლანსზე (საკუთრებაში/სარგებლობაში) არსებული სპორტული ობიექტების სარგებლობის  
ტარიფებს;“.

2. არასამეწარმეო (არაკომერციული) იურიდიული პირის - „ბათუმის სპორტულ-  
ახალგაზრდული ცენტრი“-ს დირექტორს (ირაკლი ბერიძე, პირადი ნომერი 61002015401)  
დაევალოს წინამდებარე ბრძანებით განხორციელებული ცვლილების შესაბამისად კანონმ-  
დებლობით გათვალისწინებული ღონისძიებების განხორციელება.

3. ბრძანება ძალაშია ხელმოწერისთანავე.

გიორგი ერმაკოვი

ქ. ბათუმის მუნიციპალიტეტის მერი





## ქალაქ ბათუმის მუნიციპალიტეტის მერი

ქ. ბათუმი

30/12/2016

### ბ რ ძ ა ნ ე ბ ა N 1149

არასამეწარმეო (არაკომერციული) იურიდიული პირის -  
„ბათუმის სპორტულ-ახალგაზრდული ცენტრი“-ს სახელწოდების  
შეცვლისა და წესდებაში ცვლილების შეტანის თაობაზე

საქართველოს ორგანული კანონის „ადგილობრივი თვითმმართველობის კოდექსის“ 106<sup>1</sup> მუხლის, „საქართველოს სამოქალაქო კოდექსის“, „მეწარმეთა შესახებ“ საქართველოს კანონის, ქალაქ ბათუმის მუნიციპალიტეტის საკრებულოს 2014 წლის 29 აგვისტოს №19 დადგენილებით დამტკიცებული „ქალაქ ბათუმის მუნიციპალიტეტის მერიის დებულების“ მე-3 მუხლის მე-3 პუნქტის „ე.მ“ ქვეპუნქტის შესაბამისად,

### ვ ბ რ ძ ა ნ ე ბ :

1. შეცვლილ იქნეს არასამეწარმეო (არაკომერციული) იურიდიული პირის - „ბათუმის სპორტულ-ახალგაზრდული ცენტრი“-ს (ს/კ №245602110) სახელწოდება და მის სახელწოდებად განისაზღვროს არასამეწარმეო (არაკომერციული) იურიდიული პირი - „ბათუმის სპორტული ცენტრი“.

2. არასამეწარმეო (არაკომერციული) იურიდიული პირის - „ბათუმის სპორტულ-ახალგაზრდული ცენტრი“-ს (ს/კ №245602110) წესდებაში (დამტკიცებული ქალაქ ბათუმის მუნიციპალიტეტის მერის 2015 წლის 30 ივნისის №478 ბრძანებით) შეტანილი იქნას შემდეგი ცვლილება:

ა) წესდების პირველი მუხლი ჩამოყალიბდეს შემდეგი რედაქციით:

„მუხლი 1. სახელწოდება და იურიდიული მისამართი:

1. არასამეწარმეო (არაკომერციული) იურიდიული პირი - „ბათუმის სპორტული ცენტრი“ არის საქართველოს ორგანული კანონის „ადგილობრივი თვით-



მმართველობის კოდექსი“-სა და საქართველოს სამოქალაქო კოდექსის საფუძველზე, ქალაქ ბათუმის მუნიციპალიტეტის მიერ შექმნილი არასამეწარმეო (არაკომერციული) იურიდიული პირი, რომელიც ქალაქ ბათუმის მუნიციპალიტეტის კონტროლით დამოუკიდებლად ეწევა კულტურულ, საგანმანათლებლო საქმიანობას.

2. არასამეწარმეო (არაკომერციული) იურიდიული პირის სახელწოდებაა: არასამეწარმეო (არაკომერციული) იურიდიული პირი – „ბათუმის სპორტული ცენტრი“ (შემდგომ ტექსტში – ცენტრი).

3. ცენტრის იურიდიული მისამართია: საქართველო, ქალაქი ბათუმი, ლადო ასათიანის ქ. №27.

4. ცენტრის ელექტრონული მისამართია: [Batumisportcenter@gmail.com](mailto:Batumisportcenter@gmail.com)“.

ბ) წესდების მე-3 მუხლი ჩამოყალიბდეს შემდეგი რედაქციით:

**„მუხლი 3. ცენტრის ძირითადი მიზანი და ფუნქციები**

ცენტრის ძირითადი საქმიანობაა ცენტრის ბალანსზე რიცხული სპორტული ობიექტების მოვლა - პატრონობა, ფიგურული სრიალის, ჰოკეის, ხელბურთის, ფუტსალის, ფრენბურთის და სხვა გუნდური სპორტის სახეობების პოპულარიზაცია, სპორტის პროფესიონალური, სამოყვარულო და მასობრივი კატეგორიების განვითარება და მათი მსოფლიო ასპარეზზე გასასვლელად ხელშეწყობა, მომავალი ჯანმრთელი თაობის აღზრდისათვის ხელშეწყობა, სხვადასხვა სპორტულ-ახალგაზრდული და გასართობი ღონისძიებების მოწყობა, ასევე დამხმარე სამეწარმეო საქმიანობის განხორციელება.“.

3. არასამეწარმეო (არაკომერციული) იურიდიული პირის - „ბათუმის სპორტულ-ახალგაზრდული ცენტრი“-ს დირექტორს (ირაკლი ბერიძე, პირადი ნომერი 61002015401) დაევალოს წინამდებარე ბრძანებით განხორციელებული ცვლილების შესაბამისად კანონმდებლობით გათვალისწინებული ღონისძიებების განხორციელება.

4. ბრძანება ამოქმედდეს 2017 წლის 01 იანვრიდან.

გიორგი ერმაკოვი



ქ. ბათუმის მუნიციპალიტეტის მერი





## ქალაქ ბათუმის მუნიციპალიტეტის მერი

ქ. ბათუმი

20/11/2017

2089-25-4-201711201417



**ბ რ ძ ა ნ ე ბ ა** N 2089

**არასამეწარმეო (არაკომერციული) იურიდიული პირის „ბათუმის სპორტული ცენტრი“-ს წესდებაში ცვლილების შეტანის თაობაზე**

საქართველოს ორგანული კანონის „ადგილობრივი თვითმმართველობის კოდექსი“ 106<sup>1</sup> მუხლის მე-6 პუნქტის შესაბამისად,

### **ვ ბ რ ძ ა ნ ე ბ ა :**

1. არასამეწარმეო (არაკომერციული) იურიდიული პირის „ბათუმის სპორტული ცენტრი“-ს (ს/კ №245602110) წესდების (დამტკიცებული ქალაქ ბათუმის მუნიციპალიტეტის მერის 2015 წლის 30 ივნისის №478 ბრძანებით) მე-5 მუხლს დაემატოს შემდეგი შინაარსის 3<sup>1</sup> და 3<sup>2</sup> პუნქტები:

„3<sup>1</sup>. დირექტორი თანამდებობაზე ინიშნება ერთი სამეურნეო წლის ვადით, რომელიც მოიცავს წლის დასაწყისიდან - 1 იანვრიდან წლის დასასრულამდე - 31 დეკემბრის ჩათვლით პერიოდს (კალენდარული წელი).

3<sup>2</sup>. ქ. ბათუმის მუნიციპალიტეტის მერი უფლებამოსილია ვადაზე ადრე გაათავისუფლოს დირექტორი დაკავებული თანამდებობიდან ან გაუგრძელოს უფლებამოსილების ვადა ერთი სამეურნეო წლით.“.

2. არასამეწარმეო (არაკომერციული) იურიდიული პირის „ბათუმის სპორტული ცენტრი“-ს (ს/კ №245602110) წესდების მე-6 მუხლის პირველ პუნქტს დაემატოს შემდეგი შინაარსის „ფ“; „ქ“ და „ღ“ ქვეპუნქტები:

„ფ) დირექტორს უფლება არ აქვს გამოიტანოს ნაღდი ფული საზოგადოების საბანკო ანგარიშ(ებ)იდან;

ქ) დირექტორს უფლება არ აქვს საბანკო ოპერაციები (გადარიცხვები) აწარმოოს მთავარი ბუღალტერის ავტორიზაციის გარეშე. თუ საზოგადოებას არ ჰყავს მთავარი ბუღალტერი, მაშინ აღნიშნულ უფლებამოსილებას დირექტორთან ერთად ახორციელებს თანამშრომელი, რომელიც თანამდებობრივად პასუხისმგებელია საბუღალტრო აღრიცხვაზე;




დ) დირექტორი ვალდებულია ყოველთვიურად (პირველ დეკადაში) დამფუძნებელ პარტნიორს წარუდგინოს ამონაწერ(ებ)ი საწარმოს საბანკო ანგარიშ(ებ)იდან მიმდინარე თვის პირველი რიცხვის მდგომარეობით.“.

3. წინამდებარე ბრძანებით არასამეწარმეო (არაკომერციული) იურიდიული პირის „ბათუმის სპორტული ცენტრი“-ს წესდებაში განხორციელებული ცვლილება ვრცელდება ასევე ამ ცვლილების ამოქმედებამდე დანიშნულ დირექტორზეც, რაც ნიშნავს, რომ მოქმედი დირექტორის უფლებამოსილების ვადაა 2017 წლის 31 დეკემბრის ჩათვლით პერიოდი.

4. ქ. ბათუმის მუნიციპალიტეტის მერიის აპარატის იურიდიული განყოფილების უფროსს (ვახტანგ გედენიძე, პირადი ნომერი: 61001051657) დაევალოს წინამდებარე ბრძანებით განხორციელებული ცვლილების შესაბამისად კანონმდებლობით გათვალისწინებული ღონისძიებების განხორციელება.

5. ბრძანება ძალაშია ხელმოწერისთანავე.

ლამა კომახიძე



ქ. ბათუმის მუნიციპალიტეტის მერი





## ქალაქ ბათუმის მუნიციპალიტეტის მერი

ქ. ბათუმი

23/01/2018

326-25-4-201801231610



**ბ რ ძ ა ნ ე ბ ა** N 326

**არასამეწარმეო (არაკომერციული) იურიდიული პირის „ბათუმის სპორტული ცენტრი“-ს წესდებაში ცვლილების შეტანის თაობაზე**

საქართველოს ორგანული კანონის „ადგილობრივი თვითმმართველობის კოდექსი“ 106<sup>1</sup> მუხლის მე-6 პუნქტის შესაბამისად,

### **ვ ბ რ ძ ა ნ ე ბ ე :**

1. არასამეწარმეო (არაკომერციული) იურიდიული პირის „ბათუმის სპორტული ცენტრი“-ს (ს/კ №245602110) წესდებაში (დამტკიცებული: ქალაქ ბათუმის მუნიციპალიტეტის მერის 2015 წლის 30 ივნისის №478 ბრძანებით) შევიდეს ცვლილება და წესდების მე-3 მუხლი ჩამოყალიბდეს შემდეგი რედაქციით:

### **„მუხლი 3. ცენტრის ძირითადი მიზანი და ფუნქციები**

ცენტრის ძირითადი საქმიანობაა ცენტრის ბალანსზე რიცხული სპორტული ობიექტების მოვლა - პატრონობა, ფიგურული სრიალის, ჰოკეის, ხელბურთის, ფუტზალის, ფრენბურთის და სხვა გუნდური სპორტის სახეობების პოპულარიზაცია, სპორტის პროფესიონალური, სამოყვარულო და მასობრივი კატეგორიების განვითარება და მათი მსოფლიო ასპარეზზე გასასვლელად ხელშეწყობა, მომავალი ჯანმრთელი თაობის აღზრდისათვის ხელშეწყობა, სხვადასხვა სპორტულ-ახალგაზრდული და გასართობი ღონისძიებების მოწყობა, ავტოსპორტის პროპაგანდა, პოპულარიზაცია და მისი განვითარების ხელშეწყობა, ასევე დამხმარე სამეწარმეო საქმიანობის განხორციელება.“.

2. ქ. ბათუმის მუნიციპალიტეტის მერიის აპარატის იურიდიული განყოფილების უფროსს (ვახტანგ გედენიძე, პირადი ნომერი: 61001051657) დაევალოს წი-



ნამდებარე ბრძანებით განხორციელებული ცვლილების შესაბამისად კანონმდებ-  
ლობით გათვალისწინებული ღონისძიებების განხორციელება.

3. ბრძანება ძალაშია 2018 წლის 01 თებერვლიდან.

ლაშა კომახიძე

ლ. კომახიძე

ქ. ბათუმის მუნიციპალიტეტის მერი